

aliquam *ἀπλότητα* concentrantur, et ex ea rursus derivantur. Nolumus nunc fontes veterum haereticorum aperire ac demonstrare, quemadmodum jam quondam DIONYSIASTER aliquie, Theologiae vitium ex Platonismo inferentes, simplicitatis nomine enthusiasmo viam sternere co-
nati fuerint: eo enim magis isthac labore supersedere possumus, quo studiosius et solidius eum Summe Rever. D. WERNSDORFIUS in dissertatione ad oraculum nostrum aliquando praestitit. Sufficerit itaque velut ratum certumque adhuc subjungere Consecrarium illud, *non feliori pallio occultari posse, quicquid insidiarum veritati paratur, quam SIMPLICITATIS.* Adeo ut exemplorum et testimoniorum inductione constare queat, omnium heterodoxorum devia desinere tandem in *simplicitatem* aliquam per-
versam, et a nostra, quae est *εἰς χριστὸν*, longissime abludentem.

XXI.

Si indolem ejus nosse quis desideret, sciat, ex oppositione verae simplicitatis facile cognosci posse. Haec vero talibus *χριτηρίοις* instructa est, quae brevitatis studio ex multis paucissima delibabimus:

I. *Ut in doctrinis ac rebus a DEO in Scriptura revelatis cum cupiditate discendi sit conjuncta:* alioqui enim in Corinthiis Paulus potius stuporem accusavisset, quam simplicitatem probasset.

II. *Ut non nisi in eo, quod in verbo DEI revelatum est et ex hoc liquido sequitur, firmiter ac secure acquiescat.* Alioqui non potuisset vituperare Pseudo-Apostolorum conatus traditiones legales imponentium.

III. *Ut ea quoque omnia, quae ex verbo DEI manifeste fluunt, in certo invicem respectu momentum suum habere credat;* alioqui per Corinthios fieri potuisset, ut Pseudo-Apostoli doctrinae Pauli alias lacinias assuerent, quas tamen ipsorum sinceritas non permittebat.

D

IV. Ut